

Læknafélag Íslands  
Sigurbjörn Sveinsson  
formaður  
Hlíðasmára 8  
200 Kópavogi

Reykjavík, 13.10.2003

Tilv. 1.10.1  
JMG/eí

## **Efni: Ráðningarhlutfall í stöður lækna á LSH.**

Ágæti Sigurbjörn.

Vísað er til bréfs þíns, dags. 10. okt. sl. þar sem spurt er hvort ráðandi sé að störf lækna séu almennt auglýst sem 100% starfshlutfall og jafnframt hvort rétt sé að framkvæmdastjórn hafi gefið fyrirmæli um að leitast skuli við að ráða í fullar stöður fremur en hlutastöður.

Þann 11.12.2001 var samþykkt af framkvæmdastjórn að yfirmenn á Landspítala - háskólasjúkrahúsi skyldu helga starfskrafta sína að fullu spítalanum og gegna ekki öðrum störfum en þeim sem tengjast Háskóla Íslands eða kennslu á háskólastigi. Þessi ákvörðun var staðfest af stjórnarnefnd spítalans þann 19.12.2001 og var gert ráð fyrir eins árs aðlögunartíma. Í samræmi við þetta hafa allar stöður yfirlækna verið auglýstar sem full störf og enn er unnið að breytingum á ráðningarsamningum þeirra yfirlækna, sem ráðnir voru fyrir þennan tíma og hafa haft með höndum önnur störf utan sjúkrahússins.

Að öðru leyti liggur ekki fyrir nein skjalfest eða formleg stefna sjúkrahússins hvað þínar spurningar varðar en að sjálfsögðu eru hagsmunir þeirrar deildar sem í hlut á í fyrirrúmi hverju sinni. Því er ekki að leyna að á sumum deildum er oft erfitt að skipuleggja starfið þar sem margir sérfræðilæknar eru í hlutastarfi og má þar sérstaklega benda á svæfinga- og gjörgæsludeild. Í öðrum tilvikum kann það að henta sjúkrahúsinu að ráða sérfræðilækni í hlutastarf. Má þar t.d. benda á að spítalinn þarf að ráða yfir mjög breiðri sérfræðipækkingu sem oft þarf að sækja til margra manna auk þess sem vaktir eru mannfrekar. Því kann að henta að ráðnir séu fleiri sérfræðingar í hlutastörf en færri í fullt starf. Framangreind sjónarmið kunna að hafa mismunandi vægi innan mismunandi sérgreina.

Samkvæmt ofanrituðu eru hagsmunir viðkomandi sérgreinar á sjúkrahúsinu hverju sinni þeir einu sem hafðir eru í huga þegar starfshlutfall er ákvarðað í auglýsingum. Starfsemi spítalans hefur tekið og er að taka stórfelldum breytingum líkt og á sér stað í starfsemi einkarekinna læknastofa. Því er eðlilegt að spítalinn hafi ráðningartilhögun stöðugt til endurskoðunar.

Virðingarfyllst,

---

Jóhannes M. Gunnarsson  
framkvæmdastjóri lækninga

SKRIFSTOFA YFIRSTJÓRNAR

Eiríksgötu 5 • 101 Reykjavík • Sími 543 1100 • Fax 543 1112 • [www.landspitali.is](http://www.landspitali.is)